

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

Коми Республикаын нобасьомсö искусственнöя дугöдны ышöдöмысь öлöдöм йылысь

Примитöма Коми Республикаса
Каналан Сöветөн

2024 вося лöддза-номъя тöлысь 14 лунö

1 статья

1. Коми Республикаын нобасьысь аньöс нобасьомсö искусственнöя дугöдны ышöдöмсö лыддьöны семьялы, мамлунлы, батылунлы да челядьдырлы грöзөн.

2. Коми Республика зильö лöсьöдны семьялы, мамлунлы, батылунлы да челядьдырлы безопаснöй гөгöртас, оз лэдз паськөдны россияса войтырлы бокöвöй да россияса йöзкотырöс жугöдан мөвпьяс да донаторьяс серти системаяс, сы лыдын эгоизм паськөдöм, быдтор вöчны лэдзöм, мывкыдтöмлун паськөдöм, олöм естественнöя водзö нуöдöмсö, уна челядь быдтöмлысь тöдчанлунсö киритöм.

2 статья

1. Коми Республикаын видзöны нобасьысь аньöс нобасьомсö искусственнöя дугöдны ышöдöмысь. Коми Республикаын оз позь ышöдны нобасьысь аньöс искусственнöя дугöдны нобасьомсö.

2. Нобасьысь аньöс нобасьомсö искусственнöя дугöдны ышöдöм улын гөгөрвосьö вöчöмторьяс збыльмөдöм сы могысь, медым вöйпöдöмьясөн, вöзйöмьясөн, ылöдлöмөн, пöрйöдлöмөн мырдөн тшöктыны нобасьысь аньлы искусственнöя дугöдны нобасьомсö.

3. Оз ло нобасьысь аньöс нобасьомсö искусственнöя дугöдны ышöдöмөн врачөн нобасьысь аньлы (либö мөд мортлы, кодлөн Россия Федерацияса оланпастэчас серти эм нобасьомсö искусственнöя дугöдöм серти медицина отсöг сетöм вылö юöртöмөн асвöляысь сöгласлун кырымалöм вылö инöд), а сідзжö мортлы, кодлы врачлысь гусятор видзöм йылысь оланпастэчас серти вермöны сетны нобасьысь аньлөн дзоньвидзалун йылысь тöдмөгьяссö, сы йылысь юöртöм, мый эмöсь нобасьомсö искусственнöя дугöдöм вылö медицина петкөдласьяс, кутшöмьясöс пыртöма федеральнöй олöмö пöртысь власьт уполномочитöм органөн урчитан лыддьöгö, да (либö) социальнöй петкөдласьяс, кутшöмьясöс урчитöма Россия Федерацияса Воськөдлан котырөн, гражданагысь дзоньвидзалунсö видзöм йылысь федеральнöй оланпастэчас серти.

3 статья

Нöбасьысь аньöс нöбасьöмсö искусствeннöя дугöдны ышöдöмысь кыскöны административнöй кывкутöмö «Коми Республикаын административнöй кывкутöм йылысь» Коми Республикаса Оланпас серти.

4 статья

Тайö Оланпасыс вынсялö сйöс официальнöя йöзöдан лун бöрын дас лун кольöм мысти.

Коми Республикаса Юралысь

В. В. Уйба

Сыктивкар

2024 вося лöддза-номъя тöлысь 19 лун

32-РЗ №